

KOLIMBISAMA NA MASUMU
MPE ELIKKIA NA KIMIA
ELONGO NA NZAMBE



WILLIAM J. PATTON

LIBANDELI

Ndeko Motangi,

Eloko nazali kolanda kati na buku moke oyo ezali ete, na nzela na mapamboli na Nzambe, omemama na kondima Nkolo Yesu Klisto lokola Mobikisi na yo; to soko osili koyamba ye, ete okoka koyeba solo solo ete ozali na bomoi na nseko.

Nazali na mposa ete ntango ozali kotanga yango, ete esalisa yo mingi.

1. Tanga yango ntango ozali elongo moko na Nzambe, na ntango ba mosusu bazali penepene na yo te.

2. Tanga yango malembe. Ekozanga kosalisa yo soko okotanga yango noki noki.

3. Tanga yango na mabondeli, kotuna Nzambe kosala yango nzela ya komema yo epai na Klisto.

4. Tanga yango mpo na yo moko, nde mpo na ba mosusu te. Salela yango mpo na yo moko.

Liboso ete osilisa yango, okoki koloba ete "Nayebi ye oyo nasili kondima ye mpe nandimi ete akoki kobatela yango etii ye na maboko na ngai kino mokolo yango." 2Tim. 1:12.

WILLIAM J. PATTON.

MPO NA NINI BAKLISTO BAZALI NA ESENGO

Balimbisami mpe babikisami. Ntango moto amoni ete asali lisumu liboso na Nzambe mbala koto, mpe ete masumu na ye ekoki na lifelo; ntango amoni ete Klisto alingi ye, mpe amemi etumbu na masumu na ye nyoso, mpe malimbisami sasaipi mpe mabungami, akoki kosepela te?

Motambolisi na masua akosepela te, soki abikisami na libulu na mai? Motangi okoki kosepela mingi te soki oyebi ete masumu na yo malimbisami? Sasaipi okoki kokanisa liwa te, to kosambisama, to lifelo. Soki molimo na Nzambe ememi makambo wana na kokanisa na yo, omeki kobengana yango. Biblia elobi: "Esengo na moto oyo bikweli na ye bilimbisami, oyo lisumu lijipami".

Nzambe alingi Baklisto, mpe bango balingi ye. Ezali esengo na moklisto koyeba ete azali na Yesu, Moninga molingami, elongo na ye mikolo nyoso mpe ntango nyoso, kokamba mpe kobatela ye, mpe kokokisa bosenga na ye nyoso. Petelo ntoma na Yesu Klisto alobaki mpo na Yesu : "Ata bomoni naino ye te, bolingi ye, bozali komona ye sasaipi te nde mpo na kondima bozali kosepela na esengo eleki maloba mpe etondi na Nkembo.

Baklisto bazali na lisangana na Nzambe-koloba na Nzambe npe Nzambe koloba na bango. Moklisto azali na esengo ntango nyoso soki afungoli Biblia mpe alobi : "Loba Nkolo, mpo mosali na yo ayoka." Mpe sima esengo nini ezali ntango mosusu kati na lisangana monene, kokumisa mpe kokumambela Tata na biso na Likolo, to kofanda na mesa na Mwana na ye na esengo monene.

Baklisto bazali na esengo kati na kolonga lisumu, kati na

kokumisa Nzambe, mpe kati na kosala malamu epai na baninga na bango. Biblia elobi: "Kati na kobatela mibeko na Nzambe likabo monene ezali". Ntango moklisto moko asali makambo oyo mpo na kosepelisa Yesu Klisto Mobikisi na ye, ekopesa esengo monene!

EZALI MALAMU KOSALA MIKOLO NYOSO MPO NA NZAMBE

Ntango Nzambe asali Moklisto nzela na kokamba molimo moko na Yesu, mpe "Kobongola moto na masumu na kobunga na ye, mpe molimo na ye na kufa, "ekopesa esengo mbala kama koleka kosepelisa mposa mabe. *McCHEYNE* alobaki : "Ezali malamu kosala mikolo nyoso mpo na Nzambe, mpe kopema na nse koseka na ye".

Baklisto bazali na kosepela mpo na kotalela Lola esika na bango na libela. Kozala libela na Ndako na Tata na biso, kuna ba ndako izali mingi. Kozala kuna mawa ezali te, soko kolela soko mpasi. Kozala libela elongo na Tata oyo alingi biso, mpe elongo na Mwana na ye oyo akufaki mpo na biso, npe kozala elongo na Molimo Mosanto oyo amemaki biso na makolo na Ekulusu kozala libela elongo na Banje bansato baoyo bajingeli biso awa na mabele. Kozala elongo na baninga balingami na biso baoyo bazali kolala kati na Yesu.

Baklisto bazali na esengo kati na kufa. Kufa ezali koya na Nkolo Yesu mpe komema bango epai na ye. *Payson* alobaki, ntango na kufa : "Mboka na likolo etondi kati na komona na ngai". Nkembo na yango engengi likolo na ngai, ekoteli ngai, mpe molimo na yango epemeli kati na motema na ngai."

BOLINGO NA KLISTO MPO NA BATO MASUMU

Kati na Luka 15 Yesu alobi ye moko lokola mokengeli malamu na ba mpate, oyo azali kolanda mpate oyo ebungi kino azua yango. Sima akotia yango likolo na mapeka na ye na kosepela, akobianga baninga na ye kosepela elongo na ye, mpo ete azui mpate oyo ebungaki. O, soki okolinga ye komema yo elongo na ye. Luka 15:10.

Bolingo na Yesu mpo na bato na masumu emonami kati na bomoi na ye na mokili. Ye oyo azali na lolenge na Nzambe, mpo na kolinga biso amiyeisi ye moko moto mpamba, azwi lolenge na mosali, abotami na mwasi ayebi mobali te, mpe asalemaki na lolenge na bato. Tika tokanisa oyo ezali lolenge na Yesu-" Lolenge moko lobi, lelo, mpe libela."

Tala mwasi na masumu oyo ayaki epai na Yesu(Luka 7). Asukolaki makolo na ye na mpisoli na ye, mpe apangwisaki yango na nsuki na moto na ye. Yesu abenganaki ye te, kasi alobaki : "Masumu na ye mingi malimbisami." Oyo mwasi na masumu oyo abongwaki na masumu na ye epai na Yesu, alimbisamaki na ngolu na ye.

Tala mpe lisusu ZAKAI mokongoli na mpako mpe mobotoli. Amataki likolo na nzete mpo alingaki komona Yesu. Yesu atali likolo mpe alobi : " Zakai kita na nse, lelo lobiko ekoti na ndako na yo". Zakai akiti na nse mpe alobi: " Nkolo, soki nabotolaki eloko na moto nakozongisa yango mbala minei, mpe ndambo na nyoso oyo etikali nakopesa na babola." Emonani solo ete motema na ye ebongwani, mpe atiki masumu na ye. Mpe Yesu azali nsembo ndenge moko lelo.

LELO OKOZALA NA NGAI NA PALADISO

Tala Yesu mokolo na liwa na ye. Sima na kobakisama na Ekulusu abondelaki "Tata, limbisa bango mpo bayebi oyo bazali kosala te." Moko na bikamwiseli na mokolo yango ezalaki kobongwana na Moyibi pene na kufa, oyo abondelaki : "Nkolo kanisa ngai, ntango okozala kati na bokonzi na yo." Eyano na Yesu bobele na ntango yango ezalaki : "Solo solo, nalobi na yo, lelo okozala na Ngai kati na Paladiso." Na ntongo, moto wana azalaki kati na masumu na ye; sima na midi abikisamaki na Klisto; na mpokwa azalaki na Yesu na Paladiso. Alongisamaki, apetolamaki mpe abongisamaki mpo na Lola na mwa ntango moke. O ngolu na Nkolo Yesu mpo na bato mabe.

Tala Yesu na Kalavari. Mpo na ba nani akufaki? Klisto akufaki, mpo na bato malamute, kasi mpo na bato mabe. Baloma 5:6 Biblia elobi : "Ajokisami mpo na masumu na biso. Atutami mpo na mabe na biso mpe mpo na mapipi na ye tobikisami. Nkolo atieli ye mabe na biso nyoso." Isaya 53:5,6.

Yesu akumbaki masusu na biso na nzoto na ye mpenza likolo na nzete. 1Petelo 2:24. Bolonzi na nzoto na ye na ngonga wana ezalaki makasi mingi; koleka yango ezalaki bolonzi kati na motema na ye. Akomaki. masumu mpo na biso, ye oyo ayebaki lisumu te. Mpe mpo ma masumu na biso oyo ezalaki likolo na ye, Tata na ye abongolaki elongi na ye epai na ye, kino agangaki : "Nzambe na ngai! Nzambe na ngai! Mpo na nini otiki Ngai?" O, bolingo na Yesu mpo na bato na masumu! Ayokaki mpasi oyo nyoso mpo na kobikisa bato na masumu.

NINI EPESAKI BOKESENI?

Eleki mbula mitano bato mibale babikaki kati na ekolo oyo. Bango nyoso basili kokufa. Moko na bango azali na Lola, mosusu na lifelo. Nini epesi bokeseni kati na bango? Bokeseni ezalaki ete moko na bango akambemaki komona ete azali moto na masumu, mpe ete Yesu amipesaki epai na ye lokola Mobikisi. Andimaki Yesu lokola Mobikisi mpe sima abikaki bomoi mosato. Ntango akufaki, akei na Lola. Oyo mosusu akamati mokano ete mokolo moko akondima Yesu lokola Mobikisi, kasi apusi na nsima mokano na ye. Na ntango wana aboyaki Mobikisi. Nzambe atelemisi ye kati na masumu na ye, mpe sika azali kati na lifelo kolela ligboma na ye mpo na kozanga kotosa lobiko monene oyo. "Ozali na ntango mingi naino". Yango ezali lokuta monene na satana.

LISUMU EZALI NINI?

Tika totala lisumu kolandana na Biblia; kati na pole na Bosanto na Nzambe. Ntango Yisaya amonaki Basanto oyo agangaki : "Mawa na ngai, zambi nabungi, zambi nazali moto na bibebu na mbindo, mpo miso na ngai mamoni Mokonzi, Yawe na Bibebe." Nzambe azali Nzambe na bolingo, kasi bolingo na ye ezali bolingo Nzambe Mosanto. Ayebisaki biso ete na nzela na Yesu akoki kolimbisa moto na masumu. Akoki kolimbisa te bobele na nzela na Yesu.

Tala lisumu kati na pole na kosambisa na Nzambe likolo na yango. Tala kati na pole na Biblia, mpe mona ndenge Nzambe ayini lisumu. Baanzelu oyo bakweaki kati na lisumu, abwakaki bango longwa na lola, mpo ete ayini lisumu. Azindisaki mokili na kala na nse na mpela, kino ebele na bato bazindaki, mpo ayini lisumu. Mpe mokili oyo, oyo

etondi na masumu, ekozika na moto makasi mokolo moko.
Mpo na nini? Mpo ete Nzambe ayini lisumu.

Tala lisumu kati na pole na etumbu na nseko. kati na Matayo
25 Yesu alobaki na ebele monene na bato : "Bango
bakolongwa kino etumbu na nseko". Kati na Biblia nkombo
lolenge moko esalelami mpo na kolakisa bolonzi na babungi
kati na lifelo, mpe esengo na bato na Nzambe na lola. Soki
moko ezali mpo na libela te, oyo mosusu ezali te.

KINO NTANGO NINI EKOUMELA?

Ozwi naino likanisi na koumela na libela te? Mokomi
monene moko alobaki "Kanisa mwa nyamba moke eyei
komema mokili oyo na mwa ndambo moke na bilei na
monoko kino monyoto ya mosika koleka. Ba mbula millions
kama na kama ekosengama mpo na mobembo moko na
ye. Nyama moke wana ebandi komema lokasa moko mpe
esali mobembo oyo molai, nsima na ba mbula nkoto na
nkoto ezongi komema mosusu. Nsima na ba mbula boni?
Oyo ezali ndenge na eteni moke na bomoi na nseko. Etumbu
na nseko ezali nini? Ezali elakiseli ete Nzambe ayini lisumu.

TALA MWANA MPATE NA NZAMBE

Tala lisumu kati na pole na liwa na Yesu lokola mbondi na
masumu. Soki eloko mosusu ekokaki kofuta nyongo na biso,
Nzambe akokaki kobatela Mwana na Ye. Tokanisa ntango
na kufa na Ye. Agangaki makasi mpe molunge mingi ya
makila mpe agangaki makasi mbala misato :

"O Tata na ngai, soki ekoki, tika ete kopo oyo eolngwa na
Ngai : Kasi lokola elingi ngai te, kasi lokola olingi. Pasi nini
Yesu amemaki, ntango ye Nzambe atiaki Ye makasi komema
yango - Agangi makasi na ndenge oyo.

Soki ekokaki ete kopo wana elongwa na Ye - biso, bato na

mawa na masumu, tokokaki kobika ata moke te, koganga na ye ezwaki eyano. Kasi ekokaki te. Nzambe amonisi koyina na ye likolo na lisumu, ata ntango mwana na ye amemaki yango. Mpo na yango abombaki elongi na ye mpo na ye, kino Yesu agangaki :” Nzambe na ngai! Nzambe na ngai! Mpo na nini otiki ngai?

Tala masumu na yo kati na pole na bolamu na Nzambe mpe bolingo na ye epai na yo. Soki obeti moyini moko, ezali lisumu. Soki obeti moninga moko, ezali lisumu koleka. Soki otombi liloboko na yo, mpe obeti tata molingami na yo, ezali lisumu koleka nyoso. Kobunda na Nzambe malamumu, Nkolo, ezali lisumu makasi koleka boni? Ye azipaki yo kati na boboto mpe bolingo na ye banda kobotama na yo te?

YESU AZALI KOBETA NA EKUKE NA MOTEMA NA YO

Ndenge nini Yesu akobeta na ekuke na motema na yo, kosenga kokota kati, mpe komema kokitisama na yo, mpe kofanda kati na yo na nzela na Molimo na ye, mpe kobulisa yo!

Azali kobeta na nzela na mabondeli na mama na yo. Azali kobeta na nzela na mateya na molakisi na yo. Azali kobeta ntango oyo ozali kati na bosolo. Azali kobeta lisusu mpe lisusu na nzela na koyoka Nsango malamumu. Azali kobeta ntango baninga na yo mosusu babongwani. Azali kobeta ntango ozali na malali. Nzambe apesaki ntango mpe nzela mingi mpo na komibongisa kasi masumu na yo mabe makangi nzela mpo na yo koya na Nzambe malamumu.

Tala masumu na yo kati na pole na ndenge yo oboyaki Klisto. Lisusu monene koleka nyoso - lisumu likitisami - ezali ete ondimi Klisto te. Nzambe atindaki Mwana na ye

koluka mpe kobikisa yo. Asepeli mingi na kufana Klisto mpo na bato na masumu, mpe asepeli kolimbisa bato na masumu na ntina na Klisto. Kino sikawa yo oboyi Mwana na ye. Soki omonaki lisumu na koboya Klisto, na konyata makila ma ye na mokolo na yo, kokima mbangu na lifelo likolo ma ebembe na ye - koloba : "Te, nalingi kozwa yo lokola Mobikisi na ngai to." "Soki moto abotami lisusu te akoki komona bokonzi na Nzambe te." Ndenge Yesu alobaki na NIKODEME mbala misato na mpokwa moko. Motangi - osili kobotama lisusu? Osili kozwa kobongwana oyo ekoki kobiangama kobotama na nsika? Mpo na koya na Klisto nde okoki kobotama lisusu. "Epai na baoyo bayambi Ye, apesi bango bokonzi na kozala bana na Nzambe". Yoane 1:12.

MOLIMO OYO EBUNGI

Biblia elobi : "Lifuti na masumu ezali kufa," Molimo oyo esali lisumu, ekokufa." Kufa yango ezali oyo Nzambe atiaki likolo ma moto na masumu kofuta motuya na masumu na yo.

Moto na masumu nyoso azali "na etumbu kala," ata azali kobika. Yoane 3:18. Ozali moto oyo akoki na etumbu na kufa mpo na kobomama, mpe kozila kufa kati na boloko. Motindami na Nzambe, kufa, akoki kokoma noki kobianga yo.

Nkanda na Nzambe ezali lokolo na yo. Yoane 3:36. Nzambe azali na kosilika likolo na bato mabe mikolo nyoso. Ozali mwana na satana, mpe moombo na ye. Satana moyini monene na Nzambe mpe na moto. Azali nkolo na yo. Ozali kosala mokolo na mokolo oyo satana azali kosenga yo kosala. Kati na ba nkolo nyoso ye azali mabe koleka.

Okokufa mokolo moko, ekoki kozala sasaipi mpe pwasa, mpe nini ekosalema na ntango na liwa? Milimo mabe bazali

kolekaleka pembeni na mbeto na moto na masumu oyo akufi, mpe na ntango akufi, bakangi ye mbala moko, mpe banemi ye kati na libulu na bozindo.

Mokolo ekoya wana okoyoka kelelo na Nzambe, mpe okosekwa longwa na nkunda na yo. Soki okufaki kati na Klisto te molimo ekokota kati na nzoto ya etumbu, mpe okotelema liboso na Nkolo mpo na kosambisama.

Buku na Nzambe ekofungwama. Maloba mabe nyoso yo olobaki mpe misala mabe nyoso yo osalaki kati na bomoi na yo ekotangema liboso na koyangana na mikili. Mpe okoyoka mongongo na Yesu koloba : "Bolongwa na ngai bino bolakelami mabe kino moto na nseko mobongisami mpo na satana mpe banje na ye."

MPE EKOZALA MPO NA LIBELA

"Baoyo bakokende kati na etumbu na nseko." Ee, "okokende mosika" kolongwa na tata mpe mwana na yo baoyo bandimaki Yesu, mosika na balingami na yo, mosika na mboka na yo, mosika na yenga na yo, koyangana na yo - mosika mosika - kati na etumbu na nseko.

Tika tokanisa moke likolo na mpambo oyo ekozala kolota yo na esika na monyoko. Mpambo moko ekozala koluka na yo mabe ekotonda soko moke te.

Mpambo mosusu ekozala kokanisa na yo. Okokanisa ntango ozaliki mosika te na bokonzi na Nzambe. Mpe sasaipi obungi mpo na libela.

Mpambo mosusu ekozala baninga na yo kati na monyoko, bikelamu mabe na somo mingi. Okokutana na bato oyo okambaki bango kati na lisumu, mpe bakolakela yo mabe libela.

Mpe ekozala mpo na libela. Ezali koswa na kolakela mabe.

Biblia elobi: "Molinga na mpasi na bango ekobuta libela mpe libela." Soki nsima na ba mbula nkoto na nkoto elikia na kozala na bomoi ezali, elikia ekozala na lifelo. Kasi ekozala te. Elikia ezali kati na lifelo te. O, libela! libela! Osili kokanisa kofanda kati na lifelo ntango nyoso libela na libela?

MPE NINI NA NTANGO YANGO?

Mokolo moko kati na université elenge mobali moko ayebisaki molakisi na ye bibongiseli na ye mpo na ntango ekoya. Ayebisaki ye ete akei kotanga mpo na kozala avoka. "Nsima na yango nini?" Molakisi atunaki "Na ntango yango nakotanga mpo na kozala Monganga". "Nsima na yango nini?" "Nsima na mosala makasi nakozala na lokumu monene." Nsima na yango nini?" "Na ntango yango bakomatisa ngai na bureau na likolo, mpe kokoma mozwi." "Nsima na yango nini?" "Na ntango yango nakobika na kati na bozwi mpe lokumu." "Nsima na yango nini?" "Mpe na ntango yango - mpe na ntango yango - nakokufa "Wana molakisi atomboli mongongo na ye, mpe atuni na mongongo makasi "Mpe na nsima na yango nini?" Elenge mobali azongisaki eyano te, kasi akitisi moto na ye, mpe akei. Sima moke amipesi ye moko na Klisto, mpe abiki bomoi mosato mpe na litomba.

MAPAMBOLI 14 KATI NA KLISTO

Nalingi yo koyeba eloko okozwa ntango okamati Klisto lokola Mobikisi na yo moko. Ezali oyo okozwa ba mbula ekoya te, kasi oyo okozwa sasaipi lokola kongala na mokalikali, mbala moko, na nzela na kondima Yesu lokola Mobikisi na yo. Ozali kobanda na yango mpe kouwela na yango mikolo nyoso na mobembo na yo na lola.

1. Okozwa kolimbisama oyo etondi maa mpe na lifuti te

na masumu na yo nyoso. Tanga Misala 13:38,39.

"Tika eyabana na bino, bandeko ete mpo na ye wana kolimbisama na masumu esakolami na bino; mpe mpo na ye moto na moto oyo andimi alongisami na makambo nyoso." "Na ye = na Klisto" "Moto na moto andimi" *ntembe ezali te.* "Alongisami" = ntina yango elimbisami libela.

2. Masumu na yo malongolami longwa na yo. Nzambe alobi masumu na yo mabwakami nsima na mokongo na ye, wapi akoki lisusu komona yango te. Isaya 38:17. Alobi lisusu : "Mosika pela moko yango kati na epai na ebimelo na ntango mpe epai na elimwelo na yango, mosika boye asili kolangola bipengweli na biso. Njembo 103:12. Mosika boni ebimelo kino elimwelo na moi? Alobi lisusu : "Nakokanisa masumu na bango mpe mabunga na bango lisusu te" Baebele 10:17 Masumu malimbisami mpamba te te, kasi mabungami mpe. Nzambe alobi ete opetolami" mpembe lokola mbula mpembe. Njembo 51:7.

3. Oyeisami na bolingo na Nzambe. Nkanda na ye abwakaki mokongo mpe "ondimamaki kati na balingami." Baefeso 1:6.

4. Masumu na yo nyoso matiami likolo na Klisto, mpe makoki na ye nyoso masalami na likolo na yo, mpe "osalami nsembo na Nzambe kati na ye." 2 Bakol. 5:21.

5. Okomi mwana na Nzambe- ozwi Nzambe lokola Tata na yo. "Baoyo bayambaki ye, apesi bango bokonzi na kokoma bana na Nzambe, epai na baoyo bandimi na nkombo na ye." Yoane 1:12.

BATANGAMI BANA NA NZAMBE

6. Nzambe alingi yo, mpe azali kosepela kobatela yo, mpe kokokisa bosenga na yo. Yesu abondelaki : " Ete mokili

ekoka koyeba ete otindaki Ngai, mpe balinga bango lokola olingaki Ngai." Yoane 17:27. "Tala motindo nini na bolingo Tata apesaki na biso, ete tobiangama bana na Nzambe." 1Yoane 3:1.

7. Ozwi epai na Molimo Mosanto na Nzambe kofanda kati na yo, mpe kopesa yo makasi na kobika bomoi mosanto O, mondimi na makasi te, Nzambe azali kofanda kati na yo. "Yeba ete ozali tempolo na Nzambe, mpe ete Molimo na Nzambe azali kofanda kati na yo." 1Bank. 3:16.

8. Ozwi motema na nsika mpe lolenge na nsika. "Nakopesa bino motema na nsika, mpe nakotia molimo na nsika kati na bino." Ezek. 36:26. Nakopesa bino makoki na koyeba mokano na ye mpe kolinga mokano na ye, mpe kosala mokano na ye.

9. Okozwa kobongola motema mpe mawa mosanto mpo na masumu. Misala 5:31.

10. Ozwi nguya mpo na kolinga Klisto. "Tolingi ye mpo ete Ye alingaki biso liboso". 1 Yoane 4:19. Bolingo ekobota bolingo, Ntango omoni bolingo monene na Ye mpo na yo, okolinga ye koleka.

11. Okozwa bokonzi kobondela na nkombo na Yesu. Makoki na ye matiami likolo na yo, mpe okoki kokoma epai na Nzambe kati na nkombo na ye, mpe kosenga kokokisama na bilaka ne ye.

BOZWI BOKOLUKAMA TE NA KLISTO

12. Okozwa nguya ya kosala misala malamumu, mpe kosepelisa Nzambe, eloko na liboso oyo okosala nseko ete esepelisa Nzambe, ezali ntango ondimi Klisto lokola Mobikisi na yo. Sima na oyo lotomo mpe mosala na yo ezali kosepelisa Ye.

13. Ozwi bilaka malamu na Biblia lokola ya yo. "Bilaka nyoso na Nzambe kati na Ye ezali solo". Mpo bilaka nyoso na Nzambe ezali ee! kati na ye - yango wana tokolobaka Amen!! na nzela na ye wana ekokembisa biso Nzambe. "2 Bakol 1:20 bozwi mingi ezali kati na bilaka yango.

14. Okozwa bomoi na nseko. Yesu alobaki. Solo, solo nalobi na bino, Ye oyo andimi ngai azali na bomoi na nseko." Yoane 6:47. Okozwa lola lokola efandelo na yo. Yesu alobaki : "Na ndako na Tata na ngai bisika bizali mingi. Nakei kobongisa esika mpo na bino. Nakoya lisusu, mpe koyamba bino ngai moko, ete esika ezali ngai bino mpe bozala wana lokola." Yoane 14:2,3.

Mapamboli oyo nyoso okozwa na ntango mingi be alobi ondimi Klisto lokola Mobikisi na yo. Paulo alobi mpo na "Bozwi bokolukama te na Klisto". Bozwi na langi, mpe na nsolo kitoko, mpe kitoko ebombami kati na fololo, komonana na ntango na ye!

Mpe bozwi nini ya koluka te ezali kati na Klisto! "Nkolo, soki na yo te tozali babola, kamata oyo olingi, mpe elongo na yo tozali bazwi, longola oyo olingi".

LOBIKO YA MPAMBA MPO NA BANSO

Ntango masua na Noa masilaki, ye mpe libota na ye bakotaki kopona kokota na masua, to kokufa na mpela ezali bobele litambe moko, kasi esengeli kokamatema.

Ntango Mwanje na kobebisa alekaki na Ejipeto, alekaki liboso na ekuke moko na moko wapi makila masopamaki. Na ndenge moko makila na Klisto makoki kosopama kati na motema na yo. Ndenge mbeka na kotumba ekabamaki mpo na masumu, esengeli na biso koyambola masumu na

biso na Nzambe, mpe tia yango likolo na Yesu soki bongote tokoki kobika te.

Boni okoki kozwa kufa na Klisto lokola mbondi mpo na masumu na yo? Bobele kotalela ya mpamba kati na bilaka nsambo na ye. Yesu apesi kufa na ye epai na yo, na ntango oyo, lokola mbondi mpo na masumu na yo nyoso.

Koyamba lokabo na kolimbisama na ye, mpe koloba "Nkolo Yesu, opesaki kufa na yo na ngai lokola mbondi mpo na masumu na ngai. Awa mpe sikawa nalingi koyamba likabo oyo, nalingi kokamata kufa na yo lokola mbondi mpo na masumu na ngai, mpe nalingi kozwa yo lokola mobikisi na ngai?."

Mokolo moko moto na bolembu moko atambolaki na nzela amemaki mokumba na bojito mingi. Bobele na ntango yango moto makasi moko ayei mpe alobi : "Mokumba oyo moleki kilo mpo na yo, pesa yango na ngai mpe nakomema yango mpo na yo, mpe nakopesa yo kopema mpo yango." Na ntango yango moto na bolembu apesaki mokumba na moto na makasi. Na ndenge oyo nazalaki komema bozito na masumu na ngai, mpe Yesu ayaki mpe alobaki : "Bwaka mokumba na bojito na yo likolo na Nkolo, mpe akomema yango," mpe bobele wana napesaki mokumba na masumu na ngai na ye, mpe azwaki yango.

Soki oluki ye kati na kondima mpamba, noki okoloba na esengo : "Nazwi ye oyo molimo na ngai elingi. Tanga bilaka kati na 2 Bakol 5:20-21. Yesu asalemaki masumu mpo na biso. Tozwi boyengebene na Nzambe kati na Ye -Nzambe abondeli biso kozala na boyokani na ye-Yesu abondeli biso-bilaka minene ya kolendisa yo kozwa nzela na kondima.

Likabo na Nzambe oyo Bomoi na nseko kati na Yesu Klisto Mobikisi na biso.

SOMO EZANGA NTINA

Okomekama kokanisa, "Masumu na ngai mazali monene mingi mpo na kolimbisama". Kasi kanisa minyoto na Klisto, mpe ndima oyo Nzambe alobi : "Makila na Yesu Klisto, Mwana na ye, makopetola biso na masumu nyoso."

Kanisa likolo na 1Bakor. 6:9,10 "Boyebi te ete bato na masumu bakosangola libula na Bokonzi na Nzambe? Bomijimbisa te, moto na pite mpe basambeli na bikeko mpe bato na ekobo mpe bakembi na nsoni mpe bilulela mpe balingi na masanga mpe batuki mpe babotoli bakosangola Bokonzi na Nzambe te." Maloba na mawa!!

Kasi kotelema wana te. Tanga : "Bamosusu na bino bojalaki bongo kasi bosili kosukwa, bosili kojulisama, bosili kozwa boyengebene na nkombo na Nkolo Yesu Klisto mpe na Molimo na Nzambe mpo na bato nyoso kobika. Kanisa lisusu te yo ozali mpamba kasi kanisa bolamu monene na Mobikisi Yesu.

NTANGO NA KONDIMA

Mosika te natambelaki elongo na elenge mobali moko. Natuni ye boni akambemaki na Yesu, mpe ayebisi ngai : "Ndeko moko akomelaki ngai, kotuna ngai kokende kotala efandelo na ye, mpe nakendeki. Ndeko oyo asololaki na ngai mbala moko likolo na molimo na ngai ndenge elenge mwasi amemamaki na Klisto. Alobaki na ngai, Tom, elenge mwasi oyo azalaki solo solo na mposa mingi mpo na kobika, kasi ayebaki ete akoki komibikisa ye moko te mpo na misala mpe makasi na ye. "Na ntango yango amonaki Yesu kojokisama mpo na mabe na ye mpe kozwa mapipi mpo na masumu na ye, mpe ete amemaki masumu na ye kati na nzoto na ye likolo na nzete. Amonaki ete akomema etumba

na masumu na ye lisusu te, soki atikeli Nkolo komema yango mpo na ye. Yesu asilisaki mosala wana. "Amonaki ete akoki bobele kobondela, kotonda ye, Nkolo Yesu, nakozwa kufa na yo lokola mbondi mpo na masumu na ngai, mpe nakozwa yo kozala Mobikisi na ngai. Azwaki kopema epai na Yesu, mpe alimbisami kati na kufa na ye. Esengo na kofanda kati na Yesu emonanaki polele kati na elongi na ye.

"Nsima alobaki, sasaipi, Tom, olingi koyeba te ndenge masumu na yo makolimbisama?" Nazalaki na mposa monene koyeba ndenge na kobikisama. Tokwea na mabolongo na biso mpe abondelaki. Na ntango moke nandimelaki solo ete napemaki kati na Klisto, mpe nazali na mposa kotelema mpe koloba nandimi! Nandimi. Kasi satana azali penepene koloba zoba te, makanisi na yo mazali alima te. Makanisi oyo makoleka mpamba.

"Na ntango yango Molimo na Nzambe abandaki kosala kati na motema na ngai lisusu, mpe kokanisa ete Klisto alingi kokamata masumu na ngai, mpe kobikisa ngai. Napimwaki na makolo mpe nalobaki, nandimi! nandimi! Ndeko na ngai atemaki lokola, mpe tosepelaki elongo, kati na Mobikisi.

"Na ntango yango abandaki koyebisa ngai :Alobaki, Tom, lobi na ntongo, satana akoyebisa ete ezalaki komikosa. Ezali na eloko koleka liloba na Nzambe te ntango ozali kobunda na satana, yebisa ye Klisto, ye moko akumbaki masumu na biso na nzoto na ye mpenza, kuna na nzete 1Pet. 2:24, to "Ye oyo akoyela ngai nakobwaka ye libanda soko moke te Yoane 6:37. Yebisa ye ete elikia na yo ezali kati na Klisto mpe ete ekozala kati na Klisto.

"Lisusu ayebisi ngai ete satana akopesa makanisi mabe kati

na motema na ngai, mpe akomonisa ngai mabe na ngai." Alobi lisusu, ete satana akoyebisa ngai ete nakokweya solo. Mpe naye bisaki ye ete ezali solo ete nakoki kotelema ngai moko te kasi Mobikisi na ngai Yesu alakaki ete akobatela ngai mpo akweya te Yuda 24, mpe ete "Nkombo na ye ebiangami Yesu, mpo ete akobikisa bato na ye longwa na masumu na bango. Mat. 1:21

"Nsima naye bisaki ndeko na ngai nyoso nalakisamaki likolo na Yesu, mpe eumelaki te kino abongwamaki, mpe tozalaki na libondi monene mpo na moko na moko libela. Elenge ndeko na ngai mwasi, oyo auti kokufa, amemamaki mpe na Klisto."

Sasaipi, motangi molingami na ngai, amoni ete Nzambe asepeteli na kufa na Klisto likolo na ekulusu mpo na bato na masumu, ete alingi kolimbisa yo na ntango oyo mpo na ntina na Klisto. Okoki kosala eloko te mpo na mbondi na masumu na yo, bobele soki olingi koyamba Klisto. Klisto azali sasaipi bobele penepene na yo, kobondela yo ete akamata masumu na yo mpe amema yango mpo na yo.

O, sala oyo azali kosenga na yo -"Boya epai na Ngai, bino nyoso bozali kolemba na mosala mpe kokumba bojito mpe na kopemisa bino" (Mat. 11:28). Yaka na ye sasaipi.

BIBLIA

Buku oyo ezali na :-Ekaniseli na Nzambe, lolenge na moto, nzela na lobiko, ekweli na bato na masumu, mpe esengo na bandimi.

Mateya na yango mazali bule, bilakiseli na yango bolobongwamaka te, masapo na yango mazali solo. Tanga yango yonso ozala mojoba te, ndima yango mpe obika, mpe salela yango mpo ozala mosanto.

Ezali na pole mpo na kokamba yo, bilei mpo na kokamba yo, mpe libondi mpo na kosepelisa yo. Ezali mwango na mokili mpo na bato na mibembo, nzete na motamboli, elakiseli na motamboli na avion, mopanga na soda, mpe ndingisa na Moklisto.

BOSANTO NA NZELA NA KONDIMA KATI NA YESU

Komipetola ezali mosala na Molimo na Nzambe kofanda kati na motema. Kasi ndenge nini Molimo na Nzambe ekosala oyo? Na nzela na katia liso na ye likolo na Mobikisi oyo azali na bomoi mpe na bolingo. Na nsuka na Baloma, mokabo na nsambo Paulo atuni : "Nani akokangela ngai na nzoto oyo na kufa?"

Na ntango yango eyano ekomi : " Natondi Nzambe mpo na Yesu Klisto Nkolo na biso"

Kanisa ntango obongwamaki. Ezalaki mosala na Molimo na Nzambe :Abongolaki liso na yo epai na Yesu oyo akufaki na ekulusu mpo na bato na masumu mpe atalisaki yo ndenge andimaki kobikisa yo. Mpe sasaipi ntango ondimi okanisa mpo na Klisto.

Mpe bobele bongo ntango Molimo na Nzambe akopetola, Azali kobongola miso na biso epai na Yesu. Paulo atunaki te nini ekokangola ngai. Ezali na eloko moko te oyo ekokangola biso, kasi ezali na Nani moko-Mobikisi na bomoi, na bolingo oyo akoki, " Natondi Nzambe mpo na Yesu Klisto Nkolo na biso."

Solo ndenge moko elakisami kati na 1Bakol. 1:30. Tozali kati na Klisto, mpe Klisto azali kati na biso. Tozali na mayele te, kasi Klisto azali mayele na biso. tozali na boyengebene te, kasi boyengebene na Klisto ezali na lifuti te mpo na biso

lokola kongenga na moi. Tozali na liziba na bosantu kati na biso moko te, kasi Klisto azali kopetolama na biso, mpe lisiko na biso.

Sasaipi ntango ondimi koyamba Klisto, ekomi moto moko na Klisto. Klisto akufaki, mpe yo kati na ye. Klisto azali kobika mpe yo kati na Ye. Tanga yo moko ete okufi kati na masumu, mpe esekwi elongo na Klisto. Kangana na Klisto. Tika ye kobika kati na yo. Sangana na Ye. Linga ye. Umela kati na ye, mpe masumu makokwea longwa na yo. Molimo oyo ezali na Klisto kati na ye etombolami: ekangemi te.

YESU AZALI MOWITI NA SOLO

Klisto azali mowiti na solo, nde yo ozali etape. Yoane 15. Ezali esengo mpo na mowiti kopesa bomoi mpe makasi na etape. Etape ekoki kokola te mpe kobota mbuma te na makasi na ye moko. Ezali kaka koumela na mowiti, mpe kobenda makasi mpe bilei kouta na mosisa. Bobele bongo Klisto aseveli kopesa biso -bitape na ye- ngolu mpe makasi ntango nyoso.

Yesu azali awa, mpe abengamaki litondi na Molimo na ye mpe na moko na moko na biso. Esepelisi bobele Ye kotondisa biso ntango nyoso. Alaki biso : "Botonda na Molimo", mpe Alingi kotondisa biso sasaipi. Esengeli na biso kondima. Ata toyoki to toyoki te, akotondisa biso te? Soki tolingi kosala bongo ekoumela te kino Nzambe akopesa biso boyebi koleka oyo tozali na yango sikawa.

Nzela na koyeba yango ekozala nini? Soki tozali na ngolu te tokotambola elongo moko na Klisto mikolo nyoso te. Esengeli na biso kozala kati na lingomba oyo ezali kolakisa liloba na Nzambe nyoso polele, mpe kosala mosala mpo na Nzambe kati na yango. Esengeli na biso kolia elambo

ntango nyoso.

Tokoki te kokutana na bisika na komekama, to kosangana na baoyo lisangana na bango ekosala biso mabe. Esengeli na biso kotanga Biblia na biso ntango nyoso elongo na mabondeli. George Muller, kati na mateya nyoso apesi, azali komeka kokotisa kati na bayoki na ye litomba monene na kotanga Biblia elongo na Mabondeli. Bongo tokoki kokola kati na ngolu te soki tolandi yango te. Yango ezali sekele ya bosanto-bomoi nyoso kotala Yesu Klisto.

NZELA NINI KOZWA ELENDESELI?

Elendiseli na kobikisama ezali mosala na Molimo na Nzambe. "Molimo ye moko akosangana na milimo na biso kotatola ete tozali bana na Nzambe." Baloma 8:16. Nzela na kozwa elendiseli ezali kotala kaka Yesu-mpe koya na Ye-lokola elakisamai kati na Biblia.

Duncan Matheson alobaki : "Nazali na makoki na kozwa Nzambe na liloba na Ye. Namoni moto mosusu te bobele Yesu, mpe abikisi ngai mobimba. Mokumba na ngai mokwei uta na mokongo na ngai, mpe nabikisami. Natondaki na esengo koleka. Nayembaki nzembo na sika. Lobiko na kati na Makila na Mwana na Mpate. Nayokaki kimia na moto na masumu alimbisami. Namoni kaka Yesu. Nalalaki mpo na masumu oyo ebakisaki Ye na ekulusu, mpe ezalaki mpisoli na kobongola motema na solo."

"Mpo na ye ntango nyoso mpo na ye
Nani akoki kokabola ngai na Nkolo?
Ah, nazali kopema malamumu mpo ete
Klisto atondisi motema na ngai na bolingo."

LOLA - EFANDELO NA BISO

(Evangeliste W.P. Nicholson)

Yesu alobaki, "Na ndako na Tata na ngai bifandelo bisali mingi, soki boye te mbe nasili koloba na bino. Nakei kobongisela bino esika." Yoane 14:2. Ezali na likambo mosusu te oyo ekozikisa motema mpe kojikisa makanisi koleka likambo na Lola.

Tosili kolemba na bitumba na bomoi mpe komekama? Yango ezali kitoko mingi koyeba ete na ntango moke tokozala na lola kuna ekozala na etumba to komekama te, mpe kuna tokozala na kolemba lisusu te.

Lola ezali esika na kongenga. Butu ekozala kuna te. Ezali mokolo molai ya nseko. Nkolo azali moi na lola. Mokili oyo na lola eyoki mawa te. Balati bilamba mpembe kuna na likolo. Mpasi eyebani kuna te, kasi awa bato nyoso bayebi yango. Mingi bazali na bolonzi mabe na mitema koleka mpasi na nzoto- mwana moko abungi kati na lisumu.. Moto nani akoki koyeba bonjindo na mpasi lokola mama azali koyoka.

Lola ezali kongenga na motindo boye eteliso ekoka soko moke te kokitisama na mpisoli. Kolakelama mabe ekozala kuna te. Bao boni bazali kolakelama mabe na masumu awa na mokili. Tonda Nzambe!. Tozali kokende na mokili wapi kolakelama mabe mpe nsomo na masumu elongolami libela. Lola ezali esika na esengo. Totangi bayembi koyembaka, mpe basikolami koyembaka, "Kati na ye oyo alingi biso mpe akangoli biso longwa na masumu na biso kati na makila na Ye moko"

BANA KATI NA LOLA

Dr. Guthrie na Edinburgh, alobi, "Lola esalemi monene mpo na bana mike". Zambi bokonzi na likolo ezali na bango". Maloba oyo mazali ndenge moko na nkisi pembeni na mwana oyo alingi kokufa. Makwei lokola matanga na kimia kati ma mitema na mpasi na biso. Ntango tozali kotala kotika na bomoi na elenge, kino, atiki nzoto na ye, mpe amati na bisengo na lola, mpe na ntolo na Nzambe na ye."

Lola ezali lisusu esika na lisosoli kuna tokoyeba nyoso oyo ebongi te. Tokoyeba nyoso malamumu ntango londende ekolongolama. Petelo ayebaki Mose mpe Elia likolo na ngomba na kobongwana. Ntango Mokonzi mwasi malamumu Victoria akufaki, boyokaki ye koloba ete : "Albert, Albert." Mobali na ye oyo akufaki ba mbula liboso, azalaki pene na ye. Mwasi na libala ayebisaki ngai ntango mwana moke na Ye abungaki, agangaki, "Papa, Papa", Tata na ye akufaki liboso.

YERUSALEME YA SIKA - MBOKA NA LOLA

Mboka oyo ekozala monene ndenge nini? Bisika mabe bikozala te. Opitali to boloko te. Mobola te to mokangemi mpe te. Makambo mingi oyo mazali kolakela mboka na biso mabe awa, makozala ma lola te. Mboka oyo Nzambe abongisi yango, mpo na bato na ye ekokufa te, ndenge na bato na ye mpe biloko na yango.

Mayaka na yango, yasipi na yango, wolo na yango ezali mpeto, ekozala kuna. Koganga na kufa ezali kati na bifandelo na yango te. Matanga mazali na ba nzela na yango te. Nkunda na basanto kongenga kati na ngomba seko te.

Milolo na mboka na lola mizali na wolo mpeto Bifandelo na yango bizali minene, bafandi na yango bazali basanto mpe na esengo. Etongami na maboko te, mpe ekokala pembe na mbula na ntango te. Ezali mboka oyo bafandi na yango bakotangema te; mpe na kati na milolo na yango izali na bisika na mombongo te. Ezali mboka ezangi mawato mayita, ezangi masumu to mawa, ezangi kobotama soko kokundama, ezangi kobalana soko matanga. Ezali mboka na nkembo mpo na kozwa Yesu lokola Mokonzi na yango, banze lokola bakengeli na yango, basantu lokola bafandi na yango; mpe bifelo na yango bizali lobiko mpe bikuke bizali masanzoli.

BOLOKO NA NZAMBE

Kati na nse oyo tozali na boloko. Nsoni nini ezali kobwaka mibali mpe basi kati na ekangelo, koyiba bango na bonsomi mpe makoki na bango, kokabela mibali na bisika mpe mabota ma bango, mpe komema mpasi mpe nsoni likolo na baninga na bango. Ntango mingi mibali bazali kati na boloko mpo ete basalaki likambo mabe, mpe basusu na bango tokakisami.

Kati na mokili mabe na biso bato mingi bakangeli mosika ba mabota na bango. Mbala mosusu basali mabe liboso na kokangema. Soki nalobi ezali mabe kozala na bisika na ndenge oyo okokanisa ete nayebi eloko te. Okotuna ngai oyebi te ete bato oyo bazali babuki na mibeko mpe na ligboma? Ezali mpo na bolamu na bango moko mpe kimia na mboka mpe bato oyo totii bango wana."

Okanisi tozali na mayele mingi lokola Nzambe? Banani bazali bato oyo bakokande na lifelo? Ezali na mibali mpe basi oyo batombokelaki Nzambe mpe baboyaki kobikisama na makila

na Mwana na ye. Nini mosusu Nzambe akoki kosala na bango bobele kobwaka bango na loloko? Ya solo moto oyo azali na ligboma oyo azwi etumbu na molimo na ye moko na nko mpo na koboya Yesu Klisto lokola Mobikisi na ye, mibali mpe basi, lifelo ezali boloko na Nzambe; lifelo ezali ebombelo na Nzambe. Soki oumeli kotombokela Nzambe. Nzambe asali na boloko mpo na ye, mpe soki ozali ebebe mpo na koboya lobiko na ye, Nzambe azali na ebombelo mpo na yo.

Tika napesa yo ndambo na nkombo oyo Nzambe azali kosalela mpo na koyebisa lolenge na esika yango : "Libeke na Moto"; "Libulu ezangi nse"; "moto na kosilisa"; "esika na mawa-kuna bakolela"; "esika na kolela"; "litumbu na moto"; "esika na minyoko"; "kojikisa na nseko"; "esika na molili na libanda"; "kuna bakozwa kopema te"; "etumbu na nseko"; "kuna bakolota ndemo na bango"; "esika ebongisami mpo na satana mpe banze na ye"; "kuna bakonganga mpo na litanga na mai"; "banyokolami na moto mpe na sufululifelo"; "moto"; "lifelo"; "nkanda koya".

Soki Nzambe alingamaki te akokaki kosala nzela na lifelo motau mpe na mbango, kasi azingelaki nzela wana na njube mpe mabaku, mpe moto akoki kosala makasi mpo na kokota kuna. Akokibisa lisosoli lisusu na lisusu. Akonyatela likolo na mpisoli mpe mabondeli na bato na Nzambe. Akofandisa nye liloba na Nzambe, kojimisa Molimo Mosanto, mpe konyatela na nse makolo makila ya talo na Klisto, oyo nyoso liboso ya kolonga kati na etumbu na molimo na ye mpo na libela.

NZELA NINI KOLONGA KATI NA BOMOI NA BOKLISTO

(NA Dr. R.A. TORREY)

Ezali na kelasi mibale na bato oyo bazali na nzela kati na bomoi na boklisto; baoyo bakwei mobimba to ndambo kati na yango mpe baoyo balongi mobimba kati na yango. Motuna yango moko ezali kopesa toli yango moko : " Ekoki kokebisa polele nzela, kati na yango moto nyoso oyo alingi, akoki kotambola, mpe kolanda nini ekoki kolongisa ye solo? Nandimi ezali !. Nandimi ete liloba na Nzambe ekopesa mwa mateya soki elandami makopesa elonga kati na bomoi na boklisto na kondima nyoso(certitude). Ezali na matambe sambo kati na nzela moke etiami kati na Biblia :

1. BANDA MALAMU. Ebandeli malamumu ezali oyo tomoni na Yoane 1:12, " Kasi epai na baoyo bayambi ye, apesi bango bokonzi na kozala bana na Nzambe, na baoyo bandimi na nkombo na ye." Yamba Klisto. Kamata ye lokola Mobikisi na yo oyo akufaki mpo na masumu na yo. Ndimba likambo nyoso na kolimbisama na ye epai na ye. Pema likolo na likambo oyo afutaki nyongo na yo nyoso.

2Bakol. 5:21, "Ye ayebaki lisumu moko te nde Nzambe azalisaki ye lisumu mpo na biso ete biso tozala na boyengebene na Nzambe kati na ye." Bagal. 3:13, " Klisto asikoli biso na elakeli mabe na mibeko awa akomaki ye eloko elakelami mabe mpo na biso, pela moko ekomami ete, moto na moto oyo akakemi nzete alakelama mabe."

Ezali kati na litambe oyo na liboso nde mingi basalaka mabe. Bakomeka kobulungana kati na misala malamumu lokola mabele na lobiko. Bakanisi ete soki bazali malamumu Nzambe akolimbisa bango, mpo na kufa na Klisto mpe bolamu na

bango.

Kamata ye lokola mosikoli na yo, oyo alingi kobikisa yo longwa na nguya na masumu, oyo akopesa makasi kati na kufa na pwasa mpe masumu. Komeka komibikisa yo moko te uta na nguya na masumu. Ndimba ye kosala oyo.

Kamata ye lokola nkolo. Koluka kokamba bomoi na yo yo moko te. Mitika mobimba na nse na bokambi na ye. Loba, "Nyoso mpo na Yesu." Mingi bazangaka, mpo ete bazongi sima longwa na komikamba. Basepeli kosalela Yesu na mitema na bango nyoso te, mpe ndambo na bango moko, mpe ndambo na bozwi na bango : ezali bomoi na mawa na kokakatana mpe ya kokwea, bomoi oyo ya motema ndambo na komikamba. Ezali bomoi na esengo, bomoi na kokambema mobimba.

Soki osalaki naino yango liboso te mpe yoka mposa "kolonga kati na bomoi na boklisto," kende elongo na Nzambe, beta mabolongo na yo na nse, mpe loba, "Nyoso mpo na Yesu." Loba yango na solo nyoso; loba yango na kati na motema na yo. Tikala bongo kino esosoli ete elakisi eloko mpe nini ozali kosala. Ezali kimya na kokamwa!

Soki osili kozwa yango, zwa yango lisusu. Zwa yango ntango nyoso. Ezali likambo na ntina mpe ya komema mayamboli. Kozwa Klisto lokola Nkolo na yo ekokenda kotosa mokano na ye, mpe koyeba yango kati na makambo mike na bomoi na ye moko na moko. Ezali moko na makambo na kokokisa mpo na koyamba Yesu : "Milimo Mosanto, oyo Nzambe apesaki epai na baoyo batosi ye."

2. TATOLA KLISTO POLELE LIBOSO NA BATO. Mat, 10:32, Boye, moto na moto oyo akoyambola ngai liboso na bato, ngai mpe nakoyambola ye liboso na Tata na ngai na likolo." Baloma 10:10, "Zambi kondima oyo ekokomisa

moto na boyengebene ezali na motema mpe eyambweli ekokomisa moto na lobiko ezali na bibebu." Bomo na koyambola ezali bomoi na lobiko lotondi. Ezali ntango totatoli Klisto liboso na bato ete atatola biso liboso na "Tata na ngai na lola," mpe ete litondi na koya na kopambolama na ye.

Elingi koloba te ete totatola Klisto bobele mbala moko, ntango tosangani na losambo, kasi ntango nyoso. Oyo alingi kolonga malamumu kati na bomoi na Boklisto asengeli kosimba eposa na koyambola Klisto liboso na bato-kati na ndako, na zando, na esika na mosala, bisika nyoso.

Nayokaki motei moko mobange na boyebi kokoba, "soki tosali malamumu mingi na Klisto, akosala malamumu monene na biso," Boni bakokabwana na Klisto na nzela oyo! Bakendaki na mboka na sika, to na esika na sika kosala mosala, mpo baboyaki kotatola Klisto, mpe sasaipi bazali na nsima na mokili.

3. YEKOLA LILOBA. 1Pet. 2:2 "Lokola bana babotami bobele sasaipi boyoka mposa na mabele sembo na Molimo ete mpo na yango bokola kino lobiko." Liloba na Nzambe bilei na molimo. Ezali bilei na bomoi na sika. Oyo aboyi liloba akolonga mingi te kati na bomoi na boklisto. Banso oyo bakomata kati na bomoi na boklisto bazali baleisami minene na liloba na Nzambe. Awa mingi balongi te. Tuna moto oyo azongi nsima," oleisami na liloba mikolo nyoso?" Nazwi ata moto moko alobi yango te.

a) Tanga bibilia mpo na bilei na motema na yo moko.

b) Tanga yango ntango na kimya mpe ozali kofanda na mabolongo na yo. Ngai, nayebi makasi kati na motema ntango nabandi kotanga Biblia na kokweya na mabolongo na ngai.

4. BONDELAKA NA KOTIKA TE. 1Bates. 5:17.

“Moto oyo alingi kolonga kati na bomoi na mabondeli. Ezali makasi te soko akondima yango. Tia ngonga moko mikolo nyoso mpo na mabondeli. Mibeko na Dawidi mpe Danyele, mbala misato mokolo moko, ezali malamamu. Nzembo 55:17, “Na ntango na mpokwa mpe na ntango na moi makasi nakolela mpe nakonganga; akoyoka mongongo na ngai.” Danyele 6:10, “Wana eyebaki Danyele ete mokanda yango ekomami, akendeki na ndako na ye, mpe na eteni na ye na likolo maninisa mafungwaki epai na Yelusaleme; mpe ye akweaki na mabolongo na ye mbala misato na mokolo moko mpe abondelaki mpe atondaki liboso na Nzambe na ye, lokola esalaki ye liboso.” Banda mikolo nyoso na matondi mpe mabondeli, natondi mpo na mapamboli na liboso mpe mabondeli mpo na bosengaya lelo. Zwa ntango moke kati na mosala na yo mpo kotonda mpe kobondela. Sukisa mikolo nyoso na matondi mpe na mabondeli. Na ntango na komekama esengeli na biso kobondela. Ntango komekama ekoya biso totia miso na biso epai na Nzambe. Bondelaka na kotika te. Esengeli na biso kobeta mabolongo ntango nyoso te. Esengeli mitema na biso kogumbama ntango nyoso. “Soki satana abangi ntango mondimi na makasi te azali kobondela”, tika ete biso tobangisa satana ntango nyoso. Oyo bomoi na esengo ezangi kotungisama na mikakatano. Awa ezali esika (kotika kobondela) bandimi mingi bakwei.

Mondimi oyo alingi kolonga kati na bomoi na Baklisto asengeli na makambo misato:

- a). **Mayele** Yak 1:5 “Soko moko na bino azangi mayele, alomba Nzambo.”
- b). **Nguya** Yis. 40:31 “Nde baoyo bakolambela Yawe

bakozwa nguya na sika."

c) **Kotonda na Molimo Mosanto** Mis. 4:31 "Bango nyoso batondaki na molimo mosanto." Esengeli na biso koselingwa mpo na kotondisama na molimo mosanto.

5. KENDA KOSALA MOSALA NA KLISTO.

Mat. 25:29, "Zambi epai na ye oyo azali naino na biloko, akozwa masusu, kasi ye oyo azali na biloko te, bakobaotola ye ata yango ezali na ye". Oyo ezali koloba soko moto asaleli biloko na ye mosusu ekobakisamela ye kasi oyo akosalela biloko na ye te bakobotola ye. Mondimi oyo azali kosala mosala, kosalela makabo na ye, ata ezali mingi to moke, mpo na mosala na Nzambe, azali mondimi oyo akokola kati na bomoi na boklisto mpe akoyoka nsima: "Malamu moombe malamumpe na nsembo ingela na esengo na Nkolo na yo." Luka mpo na mosala na Klisto mpe sala yango. Luka mpo na mosala. Ata ezali kokabola ba traités to kobianga bato na lisanga na baklisto, sala yango. Luka ntango nyoso kosala koleka mpo na Klisto, mpe okozwa makambo mingi kouta na Klisto.

6 KABA MINGI

"Molimo na kokabela akofulisama monene." Masese 11:25. "Ezali bongo ete ye oyo akokana moke akobuka moke nde ye oyo akokona mingi akobuka mingi Nzambe ayebi kopesa bino makabo myoso malamumpe ete bozala na biloko mingi ntango nyoso mpe kati na makambo nyoso mpe ete bokokisa misala nyoso malamumpe." 2 Bakoliti 9:6,8. Kokona na kokola kati na bomoi na boklisto ekolandana na kokaba mingi. Moklisto na moyimi akokola te. Ezali malamumpe komona mondimi oyo abandikokola ntango abandikokaba. Sala yango ntango nyoso. Kabola ndambo na biloko na yo na Klisto. Zala nsembo mpe lokuta te na yango. Kosalela

ndambo oyo mpo na yo moko ata moke te. Kobanda na eteni moko na zomi ezali malamumu. Kozala na nse na yango te. Nsima na kopesa moko na zomi okoyoka esengo na kopesa koleka na kotanga te.

7. KOPUSANA LIBOSO. Baf. 3:13-14, "Bandeke natangi te ete nasili kosimba yango, nde nazali kosalaka likambo oyo moko ete, awa ezali ngai kobosana makambo majali nsima mpe kopusaka mpo na yango izali liboso, nazali kobika kino nsuka mpo na libonza oyo ezali ebiangeli na Nzambe kuna na likolo, kati na Klisto Yesu." Kobosana makambo mazali nsima mpe kopusaka mpo na yango ezali liboso. "Nazali kobika kino nsuka mpo na libonza oyo ezali ebiangeli na Nzambe kuna na likolo kati na Klisto Yesu." Bosana masumu oyo na liboso. Soki elongi te, soki okwei, kolemba te, tika nzela na Nzambe te, kokanisa masumu na yo te. Yambola yango mbala moko. Ndimba liloba na Nzambe. 1Yoane 1:9, "Soko tokoyambola masumu na biso, ye azali sembo mpe moyengebene mpo na kolimbisa biso masumu na biso mpe kopetola biso na bokesene nyoso."

Ndimba ete masumu na yo malimbisami; bosana yango; kende liboso. Satana akosi mitema na bato mingi awa. Alingaka biso tokanisa bikweli mpe masumu na biso. Apusaka biso tokanisa ete oyo ezali komikitisa. (komikitisa ezali kotia ntembe na liloba na Nzambe te,) kosala ye mokosi mpo tondimi te ete masumu na biso malimbisami mpe mabosanami, ntango ye moko alobi yango.

Bosana oyo okokisi mpe malongi na liboso na kopusana kosala koleka. Awa satanta akosi bato mingi kozala na bomoi malamumu te. Atiki biso kokanisa oyo nyoso tosili kozwa mpe kosepela na yango mpe komikumisa na yango na ntina ete batelemi kuna to bazongi nsima. Eloko malamumu ezali ntango

nyoso liboso kino "ekokoma biso ... na mobali mobimba, na epimelo na monene na litondi na Klisto." Baef. 4:13.

MOBIKISI MPE MOTO NA MASUMU MOTO NA MASUMU

Masumu makofuta mbongo, mbongo yango bobele kufa.
Baloma 6:23

Nzambe, yokela ngai mawa, ngai moto na masumu
Luka 18:13

Nasala nini ete nabikisama? Misala 16:30

MOBIKISI

Likabo (ya Nzambe) na ye bomoi na seko kati na Yesu
Klisto, Nkolo na biso. Baloma 6:23

Mpo ete Nzambe alingaki mokili na motindo boye ete
apesi Mwana-na-likinda na ye ete moto na moto oyo
akondima ye abebisama te kasi ete ajala na bomoi na
seko. Yoane 3:16

MOTO NA MASUMU

Bongo namitioli mpe nabongoli motema na mputulu
Yobo 42:6

Longola elongi na yo na masumu na ngai mpe panja
bokesene na ngai yonso Njembo 51:9

MOBIKISI

Najipi masumu na yo lokola na lipata mpe mabe na yo
lokola na londende; butwa epai na ngai, jambi nasikoli
yo. Yisaya 44:22

MOTO NA MASUMU

Bwaka ngai mosika na elongi na yo te mpe longwela ngai
Molimo na yo na bulee te. Njembo 51:11

MOBIKISI
Ye oyo akoyela ngai, nakobwaka ye libanda soko moke

te. Yoane 6:37

MOTO NA MASUMU

Biso yonso, topengwi lokola bampate. Yisaya 53:6

MOBIKISI

Soko moto moko na bino ajali na bampate mokama, mpe moko na bango abungi, akotika bango ntuku libwa na libwa kati na lisobe, mpe akokenda kolukayango ebungi kino ekojua ye yango te? Esili ye kojua yango akotia yango na mabeka na ye na kosepela. Luka 15: 4-5

Mpo ete Mwana na moto ayei koluka mpe kobikisa yango ebungani Luka 19:10

MOTO NA MASUMU

E Yawe, yebisa ngai njela na yo; monisa ngai bilekelo na yo. Njembo 25:4

MOBIKISI

Kolukaluka kati na makomi. :Yoane 5:39

Makomi yonso mapemami na Molimo na Nzambe, makoki kopesa litomba na mateyo, na mpamela, mpo na kosembola mpe mpo na kobokola, kati na boyengenbene. 2 Timote 3:16

MOTO NA MASUMU

Jipola miso na ngai ete namona makambo na kokamwa na Mobeko na yo. Njembo 119:18

Tika ngai te, bosana ngai te, E Nzambe na kobika na ngai. Njembo 27:9

MOBIKISI

Nakotika yo soko moke te, nakosabola yo mpe te. Baebele 13:5

Nalingi yo na bolingo na seko, bongo naumelisi boboto na ngai epai na yo. Yilimia 31:3

Ozali moninga na ngai? Yoane 21:17

MOTO NA MASUMU

Motei, yo oyebi makambo yonso, yo oyebi ete ngai moninga na yo. Yoane 21:17

MOBIKISI

Soko bolingi ngai, bokotosa malako na ngai. Yoane 14:15

Najali kopesa bino lilako na sika ete, Bolinganaka; bolinganaka lokola ngai nalingi bino. Yoane 13:34

MOTO NA MASUMU

Jambi nayebi ete eloko moko malamumu efandi na ngai, kati na njoto na ngai, te. Mpo ete, ata najali kokana malamumu, nayebi kosala yango te. Malamumu oyo elingi ngai kosala, nakosalaka yango te. Kasi mabe oyo elingi ngai te, nakosalaka bobele yango. Baloma 7:18-19

MOBIKISI

Ngolu na ngai ekoki na yo, jambi nguyana na ngai ekokisami kati na bolembu. 2 Bakolin. 12:9

MOTO NA MASUMU

Nkolo: Bakisela biso kondima. Luka 17:5

MOBIKISI

Lomba mpe ekopesama na bino; Luka 11:9

Soko mwana na moko na bino akolomba mbisi na tata na ye, akopesa ye nyoka mpo na mbisi? Luka 11:11

Na bongo soko bino bato mabe boyebi kopesa bana na bino makabo malamumu, Tata na bino na Likolo akoleka kopesa Molimo Mosanto na bango balombi ye te? Luka 11:13

Nde, mbuma na Molimo ijali boye; bolingo, esengo, kimia, motema petee, boboto, malamumu, kondima, bopolo mpe komikanga motema. Bagalatia 5:22-23.

EKULUSU NA KRISTO

E kuna na ekulusu, ngai
Namoni Ye, Mokonji na nkembo
Natiyoli makambo na nse,
Kopesa Yesu yonso na ngai

Mokonji na ngai, nalingi te
Kosepela makambo na mpamba
Namoni esengo solo na Yo
Masiya, mpo okufeli ngai

Na moto, maboko, mpanji mpe
Makila Yo osopeli biso
Namoni mpe bolingo na Yo
Na mawa be kosangana nye

Mokili mobimba ekoki te
Kokabela Mobikisi Yesu
Likambo moko ekoki na Ye
Motema mpe bolingo na ngai.

EKULUSU NA KRISTO

E kuna na ekulusu, ngai
Namoni Ye, Mokonji na nkembo
Natiyoli makambo na nse,
Kopesa Yesu yonso na ngai

Mokonji na ngai, nalingi te
Kosepela makambo na mpamba
Namoni esengo solo na Yo
Masiya, mpo okufeli ngai

Na moto, maboko, mpanji mpe
Makila Yo osopeli biso
Namoni mpe bolingo na Yo
Na mawa be kosangana nye

Mokili mobimba ekoki te
Kokabela Mobikisi Yesu
Likambo moko ekoki na Ye
Motema mpe bolingo na ngai.

